

## ՅԱԻԵԼՈՒԱԾ Դ

Ի ԹՂԹՈՑ ՎԱՐԴԱՆԱՅ ՅՈՒՆԱՆԵԱՆ ԱՐՔԵՊԻՍԿՈՊՈՍԻ

ԱՌ ԵՒԴՈՎԱՅԻՍ

1626. ՄԵԼՔԻՍԵԹ ԿԱԹՈՂԻԿՈՍ ԷՋՄԻԱԾՆԻ ԵՒՆ Ի ԼԷՕԱՊՈԼԻՍ, ԿԱՄԵԼՈՎ զՆԱԼ Ի ՀՈՈՎՄ. և տեսեալ զԺողովուրդն թարց հովուի, ձեռնադրեաց նոցա եպիսկոպոս զՆԻԿՈԼԱՅՈՍ ԹՕՐՕՍՈՎԻԿ լԷՕԱՊՈԼԻՏԵԿԻ, յամի ՏԵԱՈՆ 1626ին, և ի Թուին Հայոց ՌՅԵԻՆ: Եւ մեռաւ ի Գամենից քաղաքի:

ՆԻԿՈԼԱՅՈՍ ԹՕՐՕՍՈՎԻԿ, որ ի յամի ՏԵԱՈՆ 1626ին, և ի Թուին Հայոց ՌՅԵԻՆ ձեռնադրեցեալն էր եպիսկոպոս ԼԷՕԱՊՈԼԻՏՅ, արար հանդիսապէս աստ զդաւանութիւն կաթողիկէի եկեղեցւոյն Հոսմայ, յամի ՏԵԱՈՆ 1630ին, և ի Թուին Հայոց ՌՅԵԻՆ, հանդերձ քահանայիւք, որոց աւագերէց էր ՏԵՐ ԶԱՔԱՐԻԱՅ, թէ և Ժողովուրդն ոչ հնազանդեցաւ, և ոչ ընկալաւ զնա ինքեան առաջնորդ՝ զամս յորովս, և ոչ հմուտ յեկեղեցին, ի հրապուրանաց ոմանց վարդապետաց եկելոց ի Հայաստանէ. այս է, Խաչատրոյ և Գրիգորի ԿԵՍԱՐԱՅԸՆԸ, մինչև ցՅՈՀԱՆ վարդապետ ԱՐՂՆԵԿԻ, այր ոչ միայն հմուտ մակացութեանց իմաստասիրականաց, զոր ես բարւոյ ծանեայ ի մանկութենէ, այլ և խոհեմ, հանճարեղ, տնօրէն յառնելիսն, նա միտեցեալ մանաւանդ առ ուղղափառութիւն, առաքեցեալ ի Փիլիպպոսէ կաթողիկոսէ, մինչ էրն ի ԿԱՊՈԼԻՍ. որ համոզեալ էած զնոսա ի հնազանդութիւն առաջնորդին, և եմոյծ յեկեղեցին, յամի ՏԵԱՈՆ 1651ին, և ի Թուին Հայոց ՌՅԵԻՆ: — Գնաց ի Հոսմ առ Փափն Ուռպանոս Ը, և մեծաւ պատուասիրութեամբ ի նմանէ ընկալեալ եղեւ. որում և շնորհեաց հանդիսապէս յառաքելականում պալատին զօմօֆորոն արքեպիսկոպոսական, մակազրելով զնա կոնտակաւ իւրով արքեպիսկոպոս ԼԷՕԱՊՈԼԻՏՅ և բոլորի թագաւորութեանն ԼԵՀԱԿ, նա և մեծի զբսութեանն ԼԻԹՈԱՆԻՍԿ, ազգին Հայոց: Եւ այսպէս ճոխաբար յարգեցեալ ի սրբոյ ԱԹՈՈՆՅ առաքելականէ, դարձաւ ի ԼԷՕԱՊՈԼԻՍ: Եւ զի էր այր խորագէտ և շրջակնածու, զմտաւ ածէր գտանել զհնար իմն, որով միաբանութիւնն արարեցեալ ընդ սրբոյ եկեղեցւոյն Հոսմայ, մնայցէր հաստատուն առ յապա. և զիտ զկերպ իմն յոյժ դիպուկ, զի լինիցիւր վարժարան մանկանց Արամեանց՝